

P r o t o c o l

Società da chatschaders Lischana: Radunanza generala 2022		Actuara: Juliette Duschèn	
Lö da sezzüda: Saloon San Jon		Datum: 21.01.2023	Urari: 16.00
Partecipants: Società da chatschaders Lischana		Scumpart: a tuots cul prossem invid	
S-chüsats: Fadri Gritti, Adrian Arquint, Coni Willy, Gian-Luca Stecher, Bruno Andri Neuhäusler, Toni Mall, Silvano Stecher, Arthur Schlatter, Hanspeter Zogg, Curdin Gernet, Anna Mengia Demonti, Räto Demonti, Diego Dell'Andrino, Dario Giovanoli, Flurin Filli, Gian Marco Castellazzi, Gian Andri Füm, Nina Padrun, Jon Andri Willy, Peder Sem, Claudio Dorta, Susanna Fanzun, Werner Keller, Simon Camastral, Jon P. Stecher, Gian Dorta			
<i>Tractandas:</i> <ol style="list-style-type: none"> 1. Salüds ed elecziun dals scrutinaduors 2. Approvaziun dal protocol da l'ultima radunanza 3. Rapport annual dal president 4. Rapport dal derschader 5. Rendaquint dal chaschier e rapport dals revisurs 6. Contribuziun annuala 7. Preventiv 8. Decisiun co inavant cun la pagina d'internet 9. Elecziuns d'üna part da la suprastanza 10. Mutaziuns ed onurificaziuns 11. Program da l'on e termins 2023 12. Varia 			

1. Salüds ed elecziun dals scrutinaduors

Mario il president salüda a tuots preschaints a la radunanza generala. Ün salüd spezial va a nos commember d'onur Matthias Merz ed als guargiasulvaschina Curdin Florineth e Not Pua.

L'invid per quista radunanza generala es gnü tramiss a temp ütil ed es quattras valabla e competenta da trar decisiuns. MD dumonda schi da remarchas o giavüschs a regard las tractandas. Quai nun es il cas. Il president desista da preleger tuot ils s-chüsats. Quists as poja leger davo i'l protocol. Sco scrutinaduors vain elet Gian Reto Demonti.

2. Approvaziun dal protocol da la radunanza d'utuon dals 19 avuost 2022

Il protocol da la radunanza d'utuon es gnü protramiss cul invid da quista radunanza.

I nu vegnan fattas ingünas remarchas.

Il protocoll vain fat bun unanimamaing.

Grazcha fich a l'actuara Juliette Duschèn per scriver il protocol.

3. Rapport annual dal president

Il president dà ün sguard inavo sül on scuors. Il 2022 ha cumanzà amo cun ün per restricziuns pervi da corona, pero vain lura pudü, a partir da marz viver üna vita da società plü o main normala. Subit cha las restricziuns d'eiran abolidas vaina gnü la radunanza generala ed in sequit s'haja pudü proseguir il program da l'on da la Lischana sco previs. Che chi'd es stat dal 2022 üna sfida impustüt per las lavurs da custodi es il cas cha no nu vain gnü ingünas candidatas e candidats chi's han annunzchats pel 2022 per far custodi pro la Lischana. Per furtüna lavuraina i'l district X uschè bain insembel ch'id sun listess gnüts divers candidats eir a noss dis da custodi per far uras. Eir oura Urezzas haja davo ün per intops da partenza, funcziunà dret bain. L'unic chi ha dat remarchas es stat il cas chi's pudaiva trar la cumprova da tir be il venderdi. Implü dà nos president eir ün sguard inavò sün las activitats da nossa società e loda la cumünanza chi para da gnir adüna daplü activa.

4. Rapport dal derschader

Tiziano Castellani, nos derschader dà ün cuort sguard inavo sün las lavurs da custodi chi sun gnüdas fattas da commembr/as da la Lischana. In quist ocasiun less il president güsta ingrazchar al derschader per la gronda lavur ed il ingaschamaint.

Il president orientescha sur dal salvamaint d'usöls 2023, quia esa uschè cha dovrain adüna darcheu novs agüdents e pilots. Annunzchar pel salvamaint d'usöls per plaschair pro'l president cul formular cha vain scumparti.

5. Rendaquint dal chaschier e rapport dals revisurs

Dora Filli dà spiegaziuns a regard il rendaquint e la facultà da nossa società. I nu vain fat otramaing dumondas o remarchas.

Matthias Merz orientescha in nom dals revisurs sur dal stadi da la chascha e propona da dar dis-charge a la chaschiera ed a la suprastanza. El intimescha a tuot ils commembers da far il bain da pagar la contribuziun sco chi'd es pretais i'ls statuts fin la fin d'avrigl. Quai spargness a la chaschiera bler lavur e rabgias. Id es deplorabel sch'is voul esser commember d'üna società e nu's es bun da pagar la contribuziun a temp o insoma dafatta na.

6. Contribuziun annuala

La suprastanza fa la porposta da laschar las contribuziuns annualas sco fin qua.

1. Quai voul dir: Commember A: 130.-, A liber: 70.-, B: 55.-, C: 70.-.

La radunanza es unanim daperüna da laschar las contribuziuns sco fin quà.

7. Preventiv

Il president preschainta il preventiv pel 2023. Quist preventiv es cun las entradas e sortidas cuntschaintas al mumaint. Intschert es amo quant cha survain per nossa lavur da custodi in S-charl chi vain nouv indemnisà tras la biosfera Engiadina Bassa / Val Müstair sco eir pro las sortidas nu savaina amo che import chi vain miss in quint dal 2023 pel implant da tir Urezzas. Eir per la pagina d'internet vaina previs intant ün import da CHF 1'000.00 causa cha nu d'eira amo cuntschaint che cha la radunanza decida.

Eir pro'l preventiv nu daja dumondas e la radunanza accepta il preventiv unanimamaing.

8. Decisiun co inavant cun la pagina d'internet www.chatscha.ch

Intant varan tuot las commembras e commembers badà cha nossa pagina d'internet es bloccada daspö bod ün on. Quist es il cas causa cha quella es gnüda attachada ed infettata cun ün o plüs virus. Fabio Stecher chi'd es commember da la suprastanza ed eir perit sün comunicaziun electronica ha provà tuot il pussibel ma i nun es plü stat pussibel da tilla salvar. Quist ha dat lura andit a la suprastanza da stübgjar co cha pudessan crear üna nouva pagina, perchè id ha dat da divers commembers dumondas cura cha la pagina es darcheu activa per verer davo las comunicaziuns ed infuormaziuns. Il böt da la pagina es da pudair infuormar als commembers sur dad actualitats, publichar temas chi interessan, sgürar e muossar fotografias, avair üna plattafuorma per la suprastanza, publichar actas sco protocols o programs da lavur ed oter plü.

Fabio ha lura laschè offerir a diversas dittas per crear üna nouva pagina. Quistas offertas sun extrem differentas dals cuosts pero la suprastanza vess chattà uossa duos variantas per reactivar quista plattafuorma importanta.

Il president preschainta ün congual d'avantags e dischavantags e fa seguaintas propostas.

Üna es da surdar l'incumensa ad üna ditte indigena chi füess lura eir quia schi dà darcheu problems cun la pagina. Quist cuostess per crear CHF 2'800.00 e gnis fatta pero professionalmaing ed eir davopro mantgnüda professionalmaing. L'otra varianta vessan da crear svesa sün la plattafuorma da Clubdesc, chi vain offeri da la banca Raiffeisen, üna pagina. Quia eschan pero dependents dad agüdents causa chi larà diversas uras da lavur e pro quista varianta as esa per gronda part liats vi da muosters e propostas fixas. Implü eschan lura svesa respunsabels schi dà darcheu attachas.

In la votumaziun vaina decis per la varianta Ardur, voul dir per surdar l'incumbensa a la ditte indigena cun be üna cuntervusch.

9. Elecziuns d'üna part da la suprastanza

Sco prüma ingrazcha il president als commembers da suprastanza per lur lavur prastada d'urant il 2022. El manzuna chi's haja gnü 5 sezzüdas da suprastanza per preparar tuot las activitats.

Tuot la suprastanza es pronta da continuar cun lur lavur. Pero tenor statuts esa mincha duos ons d'eleger o da reeleger üna part da la suprastanza.

Quist on sun quai il president, la chaschiera ed ils duos revisurs da quint.

Mario dumonda schi dà propostas per ün o l'otra carica, cun quai chi nu vegnan fattas ingünas propostas our dal ravuogl vegnan tuots reeletts cun applaus.

In la grupp da punctaziun sorta Enrico Dorta, il president ingrazcha fich per sia lavur d'urant blers ons. Sco successurs vegnan elets Enzo Zannier e Rafael Gumpolt.

10. Mutaziuns ed onurificaziuns

I fa grond plaschair da pudair onurificar a Gian Füm jun. ed a Simon Camastral cun la medaglia da veteran!

Nouvs commembers:

no vain survgni la dumonda da Björn Malgiaritta per gnir tut sü in nos savuogl sco commember A. Björn vain tut sü sainza cuntravusch.

Sortidas:

Sco fingià manzunà in la radunanza d'utuon, voul Nino Gross sortir causa ch'el nu va plü a chatscha. Implü ha dat Martin Heimgartner e Thierry Dieterle our dal listess moitv la sortida da la Lischana.

Mortoris:

als 12.12.2022 es mort nos commember B Cla Sarott. Il president giavüscha a tuots da's dozzar da las sopchas per üna minuta da regordanza a Cla. Ils cornists sunan in quist'ocasiun il arrevair.

11. Program da l'on e termins

Sco prüma ingrazcha il president a tuots commembers da suprastanza per lur lavur, ingaschamaint e sustegn. Be cun sustegn da tuot la suprastanza esa pussibel d'organisar tuot nossas activitats. Ün grond ingrazchamaint va a Silvan Arquint chi ha sutrut bleras incumbensas in suprastanza ed es eir pront adüna da güdar ingio chi fa dabsögn.

Nos president metta amo avant il program da l'on ed il program da custodi pel 2023.

Ils prossems termins sun:

22.04.2023	Radunanza da prümavaira	Tenor invid
06.05.2023	Di da custodi da la società	Gurlaina
13.05.2023	Delegiada BKPJV	Trimmis
22.07.2023	Tir intern da la Lischana	Urezzas
12.08.2023	Di da custodi cumünaivel	S-charl
18.08.2023	Radunanza d'utuon	Tenor invid
?? .12.2023	Niculaus / Nadal il god	Tenor invid
20.01.2024	Radunanza generala 2023	Tenor invid

12. Varia

A regard la dumonda da Flurin Filli in l'ultima radunanza pervi da la pavladuora da Sesvenna ha il president fat ün dumonda in scrit al capo da vaschins schi's pudess spettar üna indemnizaziun causa cha quella strarlera ha listess amo üna valur tenor la sgüranza d'edifizis da CHF 54'000.00. Tenor il contrat scrodà nu d'eira previs ingüna indemnizaziun in cas cha quel stabilimaint va inavo als vaschins, pero il capo sco eir l'advocat dal cumün da vaschins sun da l'idea chi's possa tenor schon spettar ün'indemnizaziun. Quia eschan sün buna via cun las trattativas.

Enzo Zannier es stat stut cur ch'el es gnü attachà causa nos lavur sü Planot. Il president piglia la cuolpa sün sias spadlas e s-chüsa uffizialmaing pro Enzo, causa ch'el ha mancantà d'orientar ouravant che lavurs chi das-chan gnir fattas e che lavurs nöa. Enzo accepta la s-chüsa.

Plünavant fa il president attent chi detta da cumprar amo giaccas da la società.

Armon Parolini fa üna cuorta spiegaziun sur da la nouva organisaziun da l'implant dad Urezzas. Ils delegiats in Urezzas san uossa co chi gira ed han tuots formulars. Thomas Meyer surpiglia la chascha cun ün conto daplü per la fabrica dal "chucal chi va" ed Armon fa dad actuar. Als 15.04.23 es l'implant d'Urezzas avert la prüma vouta e davo vaja tenor il program d'avertüra. Important esa da savair chi's possa far lura mincha marcurdi e venderdi la cumprova da tir cun la culla e cun la flinta.

Il president serra la radunanza a las 17.30 ed invida a tuots a baiver ün vin chod offri da Men Juon e seis Team.

L'actuara

Juliette Duschèn